

SIGI KILLU

GRDR ni dunadun kaho loogante ya, a ga bange siine be ga ni 1969 gelli genme be ga ña faransi soxantuwaanon do Senegaali fallaqen soro beenu terenden ga da i kiña Faransi ya. A da I sikken koyi ti metinmande be ga duna kuto ku do jamaanun do maron naxa xotonde, bire ke be ñeroyen ga konto, fotanqaaxu ga kugu.

A na a munda I nan kafi telenoyen do medeemanden xotonden ya soron naxa.

O da a tonɗi

Yugun do yaxarun terende, newoyen di, ken ni warijaren ya soron da. Ken na kisiyen makken ya xotondini.

Soron menaxajaagunde, Xillun do wulliyi gabun di, ken na fo ya kappa kitayun moxon ma su.

Xunbane saabu da, Afiriiki taaxon do Oroopu katonon ñimmini me ya baane. Wariyaaxa siren ya na GRDR maxa katta Afiriiki kin-xenna a su nta xo katta Saahelinko.

Terenden do ñiiñallenmaaxun do dagayikaanen soninde.

Yaalaye, ñiiñallenmaaxun do dagayikaanayen GRDR ma i fata bakka me ya, I na me ya di

• Terende

Xunbane jikken na teraana yugun do yaxarun ya maxa. I sikken ya na yiyan

roono I giriran do I taaxuran ña. GRDR wa kaarafillaaxun koroosini na a kisindi. Kuudo soron su duñayen ña gelli teraanon sikke.

• Dingirallenmaaxu

Nan ña dingirallenman ña ken kahini ya nan duñe birallenmaaxun killun taaxunden do I tanganden ña. Ken wa sahana gelli dingirallenmaaxun dango be ga jamaanen yugun do I yaxarun naxa do I kanma.

GRDR siginten ya ni I ga dingirallenmaaxun faasana gingun dan doore.

• Dagayikaane

Dagayikaanen yillakaron ni ya na bire-moxon sirondi a do baane su na kato birene seraaxun di, neqaati ga nta a di. Dagayikaanen xarabun na soro ku yinemen hana ya maxa.

GRDR sikken ni na dagayikaanayen yanba medeemanden maxa. A wa durandeemandini gelli haraaxunde taaxuraxon naxa

Nan dingiron tuwaaxun bangandi kuudo haaraaxuyun ga ñaana loogontan geesundun di yaaxe be

GRDR siginten ya ni gelli dagayikaanen duran gollu, teraanon ñallaxon do i giriraxo ; a wa wurigindini katta teraanon do i koro, kuudo i ga saagene taaxumoxo siren di yaaxen be, dangon ga roono i gollun do i wariyaaxo ; gansindun na ware do nuqunun kuudo durantuwaaxun tuyinden do a kugunde.

Dagayikaanen gemunde, bire su gollen ya ni, GRDR da a xotondi ti xuutunu tinmande na wucci gabe ya maxa a na a ñi gelli dingiranu xo maro ma jamaanu ma ken kanma dangonun tangande.

Ti duran gollun kurunbandaano, GRDR wa tirindini, a wa killihindini, a wa haraaxundun rondini dagayikaanen geesi looganten di, ken ga ña Afiriiki ya ma Oroopu.

GRDR ni kaho ya a ga da fi gabe yaaxen bagandi, na a tanga gelli a sikke

GRDR gollini do nuqunu ku taaxaanon yinmenu ya, i siginton ga ni, gelli kaho ke yinme gollun do a maremoxo. A na i gollun yaaxabagandini ti surumaadu do tuwaaxunu beenu ga soro ku maxa, na i xotondi, ken ña Afiriiki kin-xenna ma Faransi. Ke yan da dango ro a sikken ña.

A senben kite ti heddallen gabu, ti golliñanñaano gabu I ga nta xille. I duranbirayun wulliyun do I tuwaaxun ga ni kitayen fo xoore.